

Antrittsrede Parlamentssitzung vom 27.9.2018

Olte hät sech verändert und entwickelt, die Chilegass isch eifach Wau , z,Kulturgebot ist phantastisch, Mönsche sind offe, es isch fasch alles möglich.

Vor ca. emne Monat en e begeisterti Person a troffe. Sie isch nach emne Unterbruch vo 5 Jahr wieder zugg uf Olte züglet

Olte ich so schön! Ich chume wieder!Nächste Mal nimm i mini Kollegin mit.

Mit dänne Frömbilder begrüsse ich Euch liebi Kolleginnen und Kollege, geschätzte Stadträtinne und Stadträt und werte Gäst.

Was löse so Usage bi euch us? Ich freue mich, a dänne Frömbilder vo öisere Stadt

Fröid als positive Emotion wo Hoffnung bewürkt und allenfalls au en Perspektivewechsel cha ermöglige

Es wieters Frömbild finde mir im veröffentlichte Gemeinderanking

Olte chunnt i der Rubrik „Versorgig“ uf e Platz 75 (vo 921)

Ja Olte hett e guet funktionierendi Versorgungsstruktur

Was isch dis / Ihres momentane Selbstbild wo Olte ?

Bilder präge öise Gedanke – Ja und i bi überzügt, das öisi Gedanke au öises Handle und Verhalte bestimme.

Vor 44 Jahr bin i für eis Jahr z' Olte i Schuel gange

Vor 22 Jahre bi i us bruefliche Gründe gärn uf Olte zugg cho. Es isch für mich wie Heicho gsi.

Ich bi ke Oltnerin aber ich liebe die Stadt und läbe gärn i öisere Stadt

Vor 2 Woche an mit Stolz für üsi Witerbildungsinsitution der Teamusflug u Olte organisiert.

Olte cha einiges biete

Zugäh Olte hett nid i allne Bereich im Ranking so gut abgeschnitte.

Mer händ durchwegs Veränderungspotential.

Ja, es git i däm vorüs ligende Jahr einige Usforderige z'bewältige und mer sind iglade verantwortigsvolli Entscheidigi zum Wohl vo öisere Stadt z' traffe.

Mer verbringe viel Zit i öisne Fraktion und im Parlament.

Ich wünsche mir das mir als Parlament Mut bewiese, dass mir üs mit Lideschaft und Herzblut isetze, dass sich i Zukunft d' Frömbbilder vo Olte au i de andere Bereich positiv verändere.

Das heisst z.B. dass öisi Entscheidige en positiv Ushtralig bewürke

Ich wünsche mir das mir **im gemeinsame intensive** Ringe nach Antworte lösigsorientierti Wege chönnt beschritte und Vielfalt vo Meinige wieterhin dörf Platz ha, zunäh und zum Merkmal wo Qualität wärde.

Dasheisst für mi, das mer als Parlament

- öisi Vielfalt und s'grosse Potential nutze.

-.z'finde vo gemeinsame Lösigi usbaue

-.die verschiedene Argument und Gegenargument als Chance nutze

-.en Kultur läbe „wo mer „s'Gold“ im Andere gsehnt

- z'Bewusstsi händ, dass Alli en wertvolle Biiatrag leistet

- Meinigsverschiedeheit offe ahgöhnt und astehehndi Konflikt guet bewältige

Ich wünsche mer witter, dass mer uf die ä üs gestellte Useforderige nachvollziehbari Antworte kommuniziere chönnt, wo hoffnungsvolli Signale ussende.

Und so Bild i der Press in Überistimmig mit öisere Absicht dargstellt und vermittelt cha wärde.

Ich wünsche mir, das mir zum Wohl und Nutzen von allne unterschiedliche Mösche wo i öisere Stadt läbe, schafe und Stüre zahle nachhaltige Massnahme verabschiede und ileite.

Dass i hüt i der Funktion als Parlamentspräsidentin zu euch darf rede, isch der läbigi Bewies, liebe Anwesendi, was en offeni Gesprächskultur innerhalb vo der CVP/ EVP und Glp Fraktion bewürkt und mögliche macht.

D'Wertschätzung i der Andersartigkeit, di offeni Kommunikation bi aller Unterschiedlichkeit, hätt's ermöglicht, dass Beziehige und z'Vetraue vertüft und gestärkt worde isch.

A däre Ställ danke ich öisere Fraktion fürs entgegenbrachte Vertraue und d' Unterstützig.

Ob mini formulierte Wunsch chönnt umgesetzt werde, für das gits kei Garantie.

Ich möcht's probiere und ladi euch alli i, en eigene Bitrag leische, dass öise Parlamentsarbeit därf en positiv Ustrahlingskraft ha

Wüll mer unteranderem , mit Hoffnig und Perspektive gmeinsam d' Useforderige apacke und meistere!

Und Olte wieterhin en Ort isch, bleibt und wird wo en Vielfalt a Mönche gärn wohne und wo vertrauensvolli Beziehige chönnt gläbt wärde.

Wo Offenheit für Nöis Platz hät und wo en sprunghafti Zunahm vo positive Frömbilder sicht- und zählbar wird.

Ich wünsche öis jetzt a erfolgrichi Paralamentsitzig und äs uswürkigsrichs und hoffnigsvolls Jahr.

Symbolisch unterstiche ich mini Wort, i däm ich jetzt 6 Summeblume i öisi Mitti stelle.